



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

1. Omne datum &c. Templariis Privilegia ab Alexandro concessa confirmat.

---

[urn:nbn:de:hbz:466:1-74452](#)

ANNO  
1181.

„nes, concilium Ilerdense demonstrat: Cum his, inquit, qui incestus se pollutione comman- culant: quamdiu in ipso detestando & illicito carnis contubernio perseverant, nec sumere cibum ulli Christianorum, sicut Apostolus iussit, licebit. „Porro scelus cum jumentis co- euntium quanta sit animadversione plectendum, legislator Moyses declarat, cum etiam ipsa interfici animalia jubeat, quae tali contaminata flagrio indignam refricant acti memoriam.

Quia igitur abominabilem horum excessuum præsumptionem severa distictione congruit insequi: prædictos propriae prolixi necatores, & tam ipsum facinus persuadentes, quam consen- tientes, seu quoilibet parricidas, aut cum matre, filia, consobrina, vel nepte agentes, quam cum jumentis coeuntes, artiori penitentia jugo cure- ris compescere: & nisi senio confecti, vel corporis fuerint debilitate seu egestate oppressi, eos ad sedem apostolicam compellatis venire, & beato- rum Apostolorum Petri & Pauli limina visitare ut in sudore vultus sui, & viarum labore, superni judicis iram evadere, & ipsius misericor- diam valeant invenire.

Ad hec qui dormiendo, non voluntate, sed casu filios suos oppressisse inveniuntur: triennio si iidem filii fuerint baptizati; si vero absque sacro baptismate decesserint, quinquennio pœnitentia disciplinis subjaceant. Sacerdotes, quos ab his studiis praecavere convenient, officii sui perpetua executione priventur. Verum si qui pa- rentum absentem fuerint quando eorum filii suscep- cantur, aut si id sub aliena custodia contigerit: extra culpam erunt: si tamen eos non furiosæ, sed congruenti custodiæ ipsos se crediderint tradidisse.

Præterea non sine cordis amaritudine quosdam sacerdotes contra apostolicas institutiones, cum sicca fæce vini, vel cum micis panis vino intinctis, Missam celebrare audivimus: & fideles laicos non Christiano more, absque sacerdotali be- nedictione & Missa, matrimonium contrahere. Unde sœpe illicita contingit fieri conjugia, & inter legitimas personas divertium intervenire. Sane cum omne crimen, atque omne pecca- tum oblatis Deo sacrificiis dealeatur: quid de ca- tero pro delictorum expiatione Domino dabitur, quando in ipsa sacrificii oblatione erratur? Cum enim magister veritatis, discipulis suis sacramen- tum commendaret nostrâ salutis: non siccam fæ- cem vini, non micas panis vino intinctas accep- pit, sed panem & calicem, & benedicens de- dit discipulis suis. Quia igitur secus agere, evan- gelicae & apostolicae doctrinæ contrarium, & consuetudini Ecclesiasticae penitus est adversum: apostolica prohibemus autoritate, ut cum sicca fæce vini, vel cum micis panis vino intinctis, vel alio modo quam Dominus instituit, nullus de cetero sacrificare attinet: sed secundum formam sacrosanctæ Ecclesiæ Romanæ quam vos in omni- bus imitari oportet, solum panem & vinum aqua mixtum in sacrificio corporis & sanguinis Christi offeratis.

Cæterum clandestina, & absque sacerdotali benedictione non debere contrahi conjugia, aut nisi inter legitimas personas, quæ infra septimum gradum nulla consanguinitatis linea conjungan- tur: nec contracta, nisi canonice & consenu- Episcopi dissolvi: multorum sanctorum Patrum declarat auctoritas. Vos itaque muniti sanctorum Patrum sanctionibus & ecclesiasticis insti- turis, haec quæ dicta sunt, diligenter servate, & ab aliis præcipite inviolabiliter observari: dis- pensationis moderamine utentes, ut qui in quinto vel quarto gradu conjuncti sunt, eos non se- parentis, sed ne amplius taliter conjungantur,

pontificali autoritate & distinctione prohibeatis: Datum Tuscul. v. Idus Septembbris.

ANNO  
1181.LUCIUS TERTIUS,  
PONTIFEX CLXXXIII.

ANNO DOMINI MCLXXXI.

**L**uciis III. Lucensis, Hetruscus, Ubal- dus Allucingolus Bonagiuntæ Mordi filius, ex Canonico Lucensi, Presbiter Cardinalis tit. S. Praxedis ab Innocentio II. & Episcopus Ostiensis, & Veliternus ab Hadriano IV. factus, creatus Romæ quarto Kal. Septembbris, & coronatus 3. Kal. anno 1181. sedit annos 4. menses 2. dies 28. Creavit Cardinales 15. Obiit Veronæ 7. Kal. Decembbris 1185. Corpus ejus in Ca- thedrali Ecclesia sepultum. Non vacavit sedes. (Magni Bullarii Romani, Tom. I. hujus Editionis Luxemb. 1727. fol. 47.)

Templariis Privilegia ab Alexandro concessa confirmat.

## LUCIUS EPISCOPUS.

Servus Servorum Dei, dilectis filiis Arnal- do Magistro religiose militiae Templi, quod Ierosolimis situm est, ejusque fra- tribus tam presentibus quam futuris in perpetuum.

**O**MNE datum optimum, & omne donum perfectum de sursum est descendens à Patre luminum, apud quem non est transnaturatio, nec vicissitudinis obumbratio. Proinde, dilecti in Domino filii de vobis & pro vobis omnipotentem Do- minum collaudamus, quoniam in universo mundo vestra religio & veneranda institutio nuntiatur.

Cum enim natura effletis filii iræ & sæculi voluptatibus dediti, nunc per aspirantem gratiæ Evangelii non surdi auditores effecti, relictis Pompis sæcularibus, & rebus propriis, dimissa etiam spatiovia, quæ dicit ad mortem, ardum iter, quod dicit ad vitam, humiliiter elegitis, atque ad comprobandum quod in Deimilitia specialiter computemini, signum vi- visse crucis in vestro pectori assiduè circumfertis.

Accedit ad hoc quod tanquam veri Isralitæ, atque instruissimi divini prælli bellatores, verè charitatis flamma succensi dictum Evangelicum operibus adimpleatis, quo dicitur, majorēm hac dilectionem nemo habet quam ut animam suam ponat quis pro amicis suis. Unde cum summi Paftoris vocem juxta, animas vestras pro fratribus ponere, eosque ab incursibus Paganorum defensare minimè formidetis, & cum nomine censeamini milites constituti estis à Domino Catholicae Ecclesiæ defensores, & inimicorum Christi impugnatores.

Licer autem vestrum studium & laudanda devotione in tam sacro opere toto corde, & totā mente desider nichilominus tamen universitatē vestram exhortamur in Domino, atque in peccatorum remissionem auctoritate Dei, & Beati Petri Apostolorum Principis, tam vobis quam servitoribus vestris injungimus, ut pro tuenda Catholica Ecclesia & ea, quæ est sub Paganorum tirannide, de ipsorum spurcitia eruenda, expugnando inimicos crucis invocato Christi nomine intrepidè laboreis.

I.  
Ex Archiv.  
Angl. Ry-  
mer. Tom. I.  
pag. 54.

ANNO  
1181.

Ea etiam, quæ de ipsorum spoliis ceperitis, fidenter in usus vestros convertatis, & ne de his, contra velle vestrum, portionem alicui dare cogamini prohibemus.

Statuentes ut domus seu Templum, in quo estis ad Dei laudem & gloriam atque defensionem suorum fidelium, & liberandam Dei Ecclesiam congregati, cum omnibus possessionibus & bonis suis, quæ in praesentiarum legitimè habere cognoscitur, aut in futurum concessionem Pontificum liberalitate Regum vel Principum, oblatione fidelium seu alis justis modis, præstante Domino poterit adipisci, perpetuis futuris temporibus sub Apostolicae sedis tutela & protectione consistat.

Præsenti quoque Decreto sanccimus, ut vita religiosa quæ in vestra domo est divina inspirante gratia, instituta ibidem inviolabiliter obseretur, & fratres, inibi omnipotenti Domino servientes, castè & sine proprio vivant, & professionem suam dicas & moribus comprobantes, magistro suo, aut quibus ipse præcepit in omnibus, & per omnia subjecti & obedientes existant. Præterea quemadmodum domus ipsa hujus sacrae vestrae institutionis & ordinis, fons & origo esse promeruit; ita nichilominus omnium locorum ad eam pertinentium caput & magistra in perpetuum habeatur.

Ad hæc adientes præcipimus, ut obeunte te, dilecte in Domino fili Arnalte, vel tuorum quilibet successorum, nullus ejusdem domus fratribus præponatur, nisi militaris & religiosa persona, quæ vestrae conversationis habitum sit professa; nec ab aliis, nisi ab omnibus fratribus simul, vel à seniori, ac puriori eorum parte, qui præponendus fuerit, eligatur.

Porrò consuetudines ad vestrae religionis & officii observantiam à magistro & fratribus communiter, institutas nulli Ecclesiasticae secularisve persona infringere vel minuere sit licitum. Eadem quoque consuetudines à vobis aliquanto tempore observaras, & scripto firmatas, non nisi ab eo qui magister est consentiente tamen seniori parte capituli, liceat immutari.

Prohibemus autem & omnimodis interdicimus ut fidelitates hominia, sive juramenta, vel reliquias securitates, quæ à secularibus frequenterunt, nulla Ecclesiastica secularisve persona à magistro, & fratribus ejusdem domus exigere audeat.

Illud autem scitote quum sicut vestra sacra institutio & religionis militia divina est providentia stabilita, ita nichilominus, nullius vitæ religiosoris optentu, ad locum alium vos convenit transvolare. Deus enim qui est incomparabilis & æternus mutabilia corda non approbat, sed potius sacrum propositum semel incepit, perduci vult usque in finem debita actionis. Quot & quanti sub militari cingulo & clamide terreni Imperii Domino placuerunt sibi memoriale perpetuam reliquerunt? Quot & quanti in armis bellicis constituti pro Testamento Dei & paternarum legum defensione suis temporibus fortiter dimicarunt, atque manus suas in sanguinem infidelium Domino consecrantes post bellicos sudores eternæ vitae bravium sunt adepti? Videite itaque vocationem vestram fratres tam milites quam servientes, atque juxta Apostolum unusquisque vestrum in qua vocatione vocatus est in ea permaneat. Ideoque fratres vestros semel devotos, atque in sacro Collegio vestro receptos, post factam in vestra militia professionem & habitum religionis assumpturn revertentes ad saeculum nullam habere præcipimus facultatem. Nec aliqui eorum fas sit, post factam professionem semel assumptam cruce

cem Dominicam, & habitum vestre professio- nis abjicere, vel ad alium locum, seu etiam monasterium, majoris, sive minoris religionis optentu invitatis, sive inconsultis fratribus, aut eo qui magister extiterit liceat transmigrare. Nullique Ecclesiasticae secularisve persone ipsos suscipiendi aut retinendi licentia pateat.

Sane laborum vestrorum, quos propriis manibus vel sumptibus colitis, sive de nutrimentis vestrorum animalium nullus à vobis decimas exigeret vel extorquere presumat.

Cæterum decimas, quas Consilio & consensu Episcoporum, de manu Clericorum vel Laicorum habere poteritis: illas etiam quas consentientibus Episcopis & eorum Clericis acquiretis, vobis auctoritate Apostolica confirmamus.

Ut autem ad plenitudinem salutis & curam animarum vestrarum nichil vobis desit, & Ecclesiastica sacramenta & divina officia vestro sacro Collegio exhibeantur commodius, simili modo sanccimus, ut liceat vobis honestos Clericos, & Sacerdotes, secundum Deum, quantum ad vestram scientiam, ordinatos, undecumque ad vos venientes suscipere, & tam in principali domo vestra, quam etiam in obedientiis, & locis fibi subditis vobiscum habere, dummodo, si è vicino sunt eos à propriis Episcopis expetatis, iudicemque nulli alii professioni vel ordini teneantur obnoxii. Quid si Episcopi eodem vobis concedere forte noluerint, nichilominus tamen eos suscipiendo & reiñendi auctoritate sanctæ Romanae Ecclesiæ licentiam habeatis.

Si vero aliqui horum, post factam professionem, turbarobis religionis vestre, aut domus, vel etiam inutiles apparuerint, liceat vobis eos cum saniori parte capituli amovere, eisque transiundi ad alium ordinem, ubi secundum Deum vivere voluerint, licentiam dare, & loco ipsorum alios idoneos substituere, qui etiam unius anni spatio in vestra Societate probentur. Quo pacto, si mores eorum hoc exigerint & ad vestrum servitium utiles inventi fuerint, tunc demum professionem faciant regulariter vivendi, & magistro suo obediendi; ita tamen ut eundem vixit, & vestitum vobiscum habeant, nec non lecternia, excepto eo quod clausa vestimenta portabunt. Set nec ipsis liceat de capitulo, vel cura domus vestre se temere intrrompere, nisi quantum à vobis eis fuerit injunctum. Curam quoque animarum tantum habent, quantum à vobis fuerint requisiti.

Præterea nulli personæ extra vestrum capitulum, sint subjecti, tibique dilecte in Domino fili Arnalte, tuisque successorum, tanquam magistro & Praelato suo, secundum statuta ordinis vestri obedientiam deferant. Consecrationes vero altarium, seu Basilicarum, ordinationes Clericorum, qui ad sacros ordines fuerint promovendi, & cætera Ecclesiastica sacramenta à Diocesanis suscipiatis Episcopis, siquidem Catholici fuerint, & gratiam atque Communione Apostolicae sedis habuerint, & ea gratis & absque pravitate aliqua vobis voluerint exhibere, alioquin liceat vobis Catholicos, quocumque malueritis, adire antifites, qui, nimis nostrum fultus auctoritate, qua postulantur indulgent.

Clericos autem pro pecunia prædicare ast lu- cro, vosque pro ejusmodi causa eos ad prædicandum mittere prohibemus, nisi forte ma- gister Templi, qui pro tempore fuerit, certis ex causis id faciendum esse decreverit.

Si quando vero loca deserta fuerint eidem venerabili domui ab aliquo pia devotione collata, liceat vobis ibidem Villas ædificare, Ecclæsias & Cimiteria ad opus hominum ibidem

ANNO  
1181.

ma-

ANNO  
1181.

manentium fabricare : ita tamen ut in vicinia illa Abbatia vel Religiosorum virorum Collēgium non existat : quæ ob hoc valeat perturbari.

Cum autem terræ cultæ vobis quolibet justo titulo conferuntur , facultatem & licentiam habeatis ibidem oratoria confruendi Cimiteria faciendi , ad opus transuentum , & eorum tantummodo qui de vestra fuerint mensa. Inde cens enim est , & animarum periculo proximum , Religiosos fratres , occasione adeundæ Ecclesiæ , se virorum turbis & mulierum frequentia in miscere.

Quicunque sanè in vestro Collegio suscipiuntur , stabilitatem loci conversionem morum , sequere militartos Domino diebus vitæ suæ sub obedientia magistri Templi , posito scripto super Altare , in quo contineantur ista promittent.

Decernimus ergo ut receptores fraternitatum vestrarum sive collectarum , salvo jure Dominorum suorum , in Beati Petri & nostra protectione consistant , & per terras , in quibus fuerint pacem habeant.

Simili modo sanctcimus ut quicumque in vestra fraternitate fuerit receptus , si forte Ecclesia , ad quam pertinet , à divinis officiis erit prohibita eumque mori contigerit , eidem sepultura Ecclesiastica non negetur , nisi excommunicatus vel nominatim fuerit interdictus.

Præterea si quis fratum vestrorum , qui ad recipiendas easdem fraternitates vel collectas à vobis fuerint missi , in quilibet Civitatem , Castellum , vel Vicum advenirent si forte locus ipse à divinis officiis sit interdictus , pro omnipotenti Dei reverentia , & eorum jocundo adventu semel in anno aperiantur Ecclesiæ , & exclusis excommunicatis , divina ibi officia celebrentur.

Statuimus etiam ut nulli Episcopo in Ecclesiis , vobis utroque jure subditis , interdicti vel excommunicationis sententiam liceat promulgare. Verumtamen , si generale interdictum fuerit in locis illis prolatum exclusis excommunicatis & nominatim interdictis , clausis januis , absque signorum pulsatione , planè divina officia celebretur.

Decernimus insuper auctoritate Apostolica ut apud quemcumque locum vos venire contigerit , ab honestis atque Catholicis Sacerdotibus pœnitentiam , unctionem , seu alia quælibet sacramenta Ecclesiastica suscipere liceat , ne forte ad perceptionem spiritualium bonorum vobis quipiam deesse valeat.

Quia vero omnes in Christo unus sumus , & non est personarum differentia apud Dominum , tamen remissionis peccatorum , quæ alterius beneficentie , atque Apostolicae benedictionis quæ vobis induita est , etiam familiam & servientes vestros volumus esse particeps.

Nulli ergo omnino hominum liceat prædictum locum temere perturbare aut ejus possessiones auferre , vel ablatas retinere , minuere aut aliquibus vexationibus fatigare , sed omnia integra conserventur , vestris atque aliorum Dei fidelium usibus omnimodis profutura. Salva in omnibus Apostolicae sedis auctoritate.

Si quis igitur hujus nostræ constitutionis paginam sciens contra eam temere venire tentaverit , secundo tertio commonitus , nisi reatum suum congrua satisfactione correxerit , protestatis honorisque sui dignitate careat reumque se divino iudicio existere de perpetrata iniquitate cognoscat , & à sacrissimo corpore a sanguine Dei & Domini Redemptoris nostri Jesu Christi alienus fiat , atque in extremo examine divina ultiō subjaceat. Conservantes autem hæc omnipotentis Dei , & Beatorum Petri & Pauli Apostolorum ejus benedictionem & gra-

tiam consequantur. Amen. Amen. Amen.

ANNO  
1181.

De quibusdam abusibus in Diœcesi Piœtavensi corrigendis.

## LUCIUS EPISCOPUS,

Servus Servorum Dei , venerabili fratri Guillelmo Piœtavensi Episcopo salutem & Apostolicam benedictionem .

Ex Anecl.  
Martene.  
Tom. I. pag.  
620.

Cum sit in Lateranensi concilio constitutum ad immoderatam quorundam avaritiam coercendam , & tollendam materiam iurgiorum , ne beneficia Ecclesiastica , donec vacaverint , promittantur : grave nobis est & molestum , quod in diœcesi tua Abbates & priores instituta salubria surdā aure transfire , & hujusmodi promissiones illicitas facere perhibentur. Unde ne hæc enormitas quæ salubri fuerat constitutione præcisa , vires ex dissimulatione resumens perniciosa licentia denuo inolescat ; fraternitati tuae præsentibus litteris indulgemus , ut hujusmodi præmissionibus irritatis , si occasione disensionum quæ exinde frequenter emergunt , culpa illorum qui præsentationem habere noscuntur , ultra sex menses Ecclesiæ vacare contingit , liceat tibi de auctoritate Apostolica sedis , omni contradictione , vel appellatione cessante , de personis idoneis sine præjudicio tamen eorumdem imposteriorum ordinare. Nolumus autem ut ex hoc majoribus Ecclesiis vel debita reverentia minuatur. Ut etiam injunctum tibi officium tantò liberius exequaris , quanto apostolicum tibi videris addere præsidium , sollicitudini tuae præsenti auctoritate concedimus , ut Abbatissas & alias mulieres , quæ in Episcopatu tuo domibus religiosis præesse noscuntur , per quarum insufficientiam & negligenciam Deo devote fœminas observantiam Religionis exorbitant , cum consilio dilectorum filiorum nostrorum Sancti Cypriani & de Pinu Abbatum corrigere valeas ; & si inventæ fuerint contumaces , absque appellationis diffugio disciplina Ecclesiastica coercere : ut quæ remediorum fomenta non sentiunt , putrida ferro vulnera refescuntur : salvis Ecclesiis quæ nullo mediante Romano Pontifici sunt subiectæ. Ad hæc autem præposituram Ecclesiæ tuae cum vacaret , idoneæ assignandi persona cum assensu majoris & senioris partis capituli liberam tibi tribuimus facultatem. Quod si super ea , vel super alio Ecclesiæ tuae beneficio cuiilibet conferendo tuae devotioni scripsimus , arctari te non lumbis mandatum apostolicum adimplere , sed nisi honesta persona & beneficio digna extiterit pro qua litteras Apostolicas contigerit emanare. Hoc autem propter futuram Ecclesiæ tuæ que vacaret proponitur . . . idonei assignandi tuis nobis litteris intimetur , ne forte per ignorantiam veritatis denuò tibi scribere compellamur. Cum vero de jure & consuetudine ad Episcopum Piœtavensem qui pro tempore fuerit pertinere dicitur in conventionalibus Ecclesiis Clericorum in diœcesi Piœtavensi , & nihilominus in Ecclesia Dauracensi unum canonicum facere præsenti paginâ prohibemus , ne quis , appellationis pretextu , quod tibi competit in hac parte debeat impeditre. Sanè cum quidam viri religiosi qui ad unum prioratum regendum vix sufficiunt , plerumque duos ambitione damnabilis appetit , & detinere præsumant ; discretioni tuae præcipimus , ut hanc præsumptionem compescas , & tamen Abbates , quæ Archipresbyteros , decanos per tuam diœcesim constitutos